



6. oktober 2010

Inatsisartut suleriaasiat § 36 immikkoortoq 1 naapertorlugu Naalackersuisunut imaattumik apeqquteqarniarpunga.

Naalackersuisunut Apeqqut:

- 1. Tuttuuteqarsinnaanermik akuersissummik tunniussisoqartinnagu imaluunniit tuttunik umimmannillu nuussisoqartinnagu nunatat pineqartut qanoq naasoqarnerinik misissuisoqarnikuua, aammalu Naalackersuisut ullumikkorpiaq tuttuuteqarfiusut uumasunillu nuussiviusimasut qanoq naasoqarnerinik ilisimasaqartigaat?**
- 2. Naalackersuisut oqaatigisinnaavaat tuttuuteqarsinnaanermut akuersissummik tunniussisoqartinnagu qanoq piumasaqaateqartoqarsimansoq?**
- 3. Naalackersuisut uppersinnaavaat tuttuuteqarsinnaanermut akuersisoqartillugu piumasaqaataasut malinneqarnerisut? Soorlu qassinik uumasuteqarsinnaanermut tunngasut taakkulu aqunneqarneri, soorlu iggissakkut ammikkullu milugiaqalersinnaanermut akiuussutissamik tuttuutit kapitittarnerisut aammalu nunatat ivigartorfissatut akuerisaasut qanoq innersut.**
- 4. Naalackersuisut qanoq iliulersaarpat paasineqassagaluarpat piumasaqaatit malinneqanngitsut?**
- 5. Naassoqassutsimut nerisassaqaassutsimullu misissuinissamut qanoq Naalackersuisut aningaasalersuiniarpat nersutinik nuussiviusimasuni ivigartorfiusunilu? Ajornanngippat taassuma akinerani silap pissusaata sunniutai nunaateqarnermullu qanoq siunniuteqarsinnaanersut ilannguteqquneqarput.**

Tunngavilersuut:

Ukiut ingerlanerini Kalaallit Nunaanni tuttunik umimmannillu suussisoqartarsimavoq. Inuussutissarsiorneq aammalu nunap iluani imminut pilersorsinnaaneq eqqarsaatigalugu pissaganartuuvoq siunissaqarlualunilu. Taamaakkaluartorli pinngortitamut sunik kinguneqarsinnaanersoq pissutissaqarsinnaavoq ernummatigissallugu.

Isumaqarpunga pingaartuusoq nunatat nuussivigineqanngikkallaramik naasutigut uumasutigullu qanoq issimanerisa qanoq sunnerneqartarnerat malittareqqissaartariaqartoq, taamaalilluta

nuussisimanerup aammalu siunissami nuussisarnissat kingunipiloqannginnissaat aammalu
pijuartitsinissaq eqqarsaatigalugu qulakkeerisinnaagatta.

Akissutisinissara qilanaaralugu aammalu allakkat tiguneranit ullut sulliviusut qulit qaangiutsinnagit
akineqarsimanissara piumasaraara.

Kim Kielsen
Siumut

Tunngavilersuut: